

泰西豪傑言行錄

第一編 邦國及人民之自助論

自助之精神

諺云天助自助者。確經驗之格言也。一言而盡包藏人事成敗之實驗。自助者何。能自主自立而不倚他人之力。人而有自助之精神。即人之才智所發生之根源也。由此觀之。則人民若多能自助。其邦國必元氣充實。精神強盛焉。若受助於他人而成就者。其後必衰弱。故夫內自助而爲之事。必有莫能禦其生長之機。使人而有所爲也。而我助之則必將其人之自勉自勵之心。頽然墜下。是故師傳之過嚴者。致妨其子弟自立。是以政法。壓抑羣下者。致使人民乏勢力。而國日以衰弱也。國家與國民。能不勉求自立哉。

廣益書局 編輯

二 人民是法度之本

蓋邦國所行之法度，縱使盡美盡善而斷不能眞實助其人民。蓋人民者必任其自主，使得伸其志，自己勉勵進修，然後人民乃得享其眞實之利。然世人每誤思以爲人民之享權利幸福者，未始非由法度之美善而得也。遂執立法行事之說以開化人民，於是山各府縣或三五年中選舉一人入立法院討論國法百萬分之一，或議立焉或改革焉，縱能各盡其職而於人民立身制行之上眞實之利益蓋少見也。且不特此也，由昔而還，有顯然可證知者，彼政堂憲署非不陽實而陰虛，特禁奸遏亂之用多而導德齊禮之用少，蓋徒知保護之用而已曰保護人民之生命也。保護人民自主之權也，保護人民之產業也，故律法雖極善而人民或盡心盡力得享其利，此亦僅保全於安穩無幾何而消滅矣。且律法雖極嚴果能使懶惰之人而勤學，使奢侈之人而節儉，使好酒之人而戒飲，耶？若此者，特於人民各自修其身治其家，克己之私欲而發生其志可也，否則欲改化難矣，不觀夫彼之風淳俗美者。

能使人民觀感興起其比諸律法之權力尤大也

三 國政是人民之返照光也

邦國之政事者特人民之團體而放回光返照者也蓋人民是政事之實體而政事是人民之虛影譬諸一國之人民若品行劣惡雖一時之政事優美無幾何其政事必下退而至於人民同等之位若一國之人民風俗優美雖一時之政事劣惡無幾何其政事必上進而至於人民同等之位何也原夫邦國者由人民而成立亦由人民之性行習慣而終之結果乃出現於法律政法也故人民與政事其善惡之位價是優劣同等也如水之升降焉各自求其水平耳人民而品格尊也不得以品格尊之政事統治之人民而蚩愚壞惡也自有腐敗之政事管轄之歷察古今舊案成跡凡邦國之優劣強弱者關係於人民之品行多而關係於國政者少何則邦國是由箇人組織而成此總名也所謂文明開化者無他即其國之人民男女老少各自敦其品行勉其職業善修藝事而漸進開化文明之境耳

四 邦國之盛衰

人民各有自立之志而特其高尚之德者國家所以興隆也。人民各抱其自私之心而流於穢惡之行。者國家所以衰頹也。是故爲最大害於邦國者人之品行。壞惡此風斷不可漸長。縱能一時以律法剷除之無何而再萌發長育矣。倘使非人人各自悔過改行其弊風惡俗果操何術以除之乎。然亦由上之厚忠愛好仁惠不徒事於變法度修政事而惟務於勸勵化導使其民能自樹立崇良心修善行而已也。

抑凡人之被外統治而生其利害者其關係甚淺鮮。蓋人間萬事皆關係於內自治。自主之上者也。是故擁君主權國之民縱雖伏治於專制政治之下斷不能稱其民爲奴隸。抑由其人民不知修德行日爲自棄自私之心所役使若是者可名之最卑之奴隸。眞成之奴隸如此。人民固成有一種奴隸性質無論執政之人如何變法改度亦僅爲救奴隸之事而不能使其民化爲自主之人也。故一國之政府執獨尊之權以臨壓下民而又善以種種虛僞之策行於其間或革官吏或變政事雖盡心